



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XLVIII. Samsonis mira facinora.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

militaris religionem , ob ignorantiam absolvant.  
Sunt denique , qui laudibus efferant Sacrificium,  
à DEO inspiratum , in prototypon illius , qui olim  
non pro aliquo terræ angulo, qualis Palestina fuit,  
sed pro totius salute Mundi , vitam erat , sangui-  
nemque daturus. Certè potuit Jephthæ obijci illud.  
Turpe est in re militari dicere : NON PUTARAM.  
Et Fortuna ( imò DEUS ) plerumque eos , quos  
pluribus beneficijs ornavit , ad duriorè casum refer-  
vat.

NARRATIO XLVIII.  
SAMSONIS DECIMI  
TERTII HEBRÆORUM  
JUDICIS SEU PRÆTORIS,  
MIRA FACINORA.

**S**Amson ad profligandos Philisthæos natus ,  
tatis anno vicesimo , in fortitudinis rudimen-  
tum , leonem inermis discerpfit ; ac postea , ali-  
ni maxillâ , quasi Herucles clavâ , mille hostes  
maçtavit : Gaza obsessus , portas urbis non modò  
repagulis emovit , sed & humeris , quasi victoriæ  
ferculum detulit. At vir tantus impingens in sco-  
pulum , amatâ Dalilâ , prostituti corporis fæminâ,  
( adeò difficilius est continentem esse , quàm for-  
tem ) atque arcanò , de crine , detectò , captus ,  
illusus , excæcatus à Philisthæis , in pistrinum vi-  
lissimi bruti instar adactus , pænas amoris impuri  
dependit. Morte tandem suas , divinasque ultus  
injuri-

injurias, excussis columnis, dejecto tecto, con-  
trivit omnes hostium principes, quadragesimo æta-  
tis annò. Vidit licet cæcus, se gloriosius mori  
non posse. Hæc de heroë, compendiò. Mox  
Robur, Captivitatem, Interitum, tribus narrati-  
onibus distinctius referemus.

## ROBUR SAMSONIS

Judic. 13. 14. 15. Annis Mundi 2880. 2881.  
2882. 2884. Ante Christum 1173.  
1172. 1171. 1169.

**V**idit quid possit, vel unus strenuus, & supra  
in Samgaris vomere mirati sumus, & nunc  
amplius in Samfone stupebimus. Tanti re-  
fert, non quibus armis, nec quibus viribus, sed  
quibus pectoribus, sive vis hosti inferatur, sive il-  
lata propulsetur. Israëlitæ legum ac beneficiorum  
DEI, sicut sæpius ante hac, rursus obliti annos ad-  
modum quadraginta, postquam à Jephtha, hostili  
oppressione liberati sunt, vectigales Philisthæis,  
idolorum, & Palæstinæ (regionis, quæ secundum  
littus maris Phænicij extenditur, quinque insigni-  
oribus urbibus inclytæ, nempe Gethâ, Accarone, A-  
zoto, Ascalone, Gazâ,) cultoribus, Assertorem li-  
bertatis suspirabant; quem DEUS nullis populi malî  
bonis meritîs, sed suapte benignitate provocatus,  
submitit. Fuit is Samson, natus Patre Manuè viro  
de Tribu Dan qui à puero Nazaræorum instituta,  
Angeli monitu, sectatus, vino, & quavis alia in-  
ebriante potione, juxta legem abstinebat, inton-  
silém.

filémque cæsariem alebat, in qua roboris á DEO concessi erat innexa gratia.

Adultioris jam atatis, nactus annos, multa, memorandæque Fortitudinis suæ documenta præbuit. Primùm enim omnium ad vineas oppidi Philistinorum *Thamnata*, catulum leonis, jam prævalidum, & infano rugitu, ferociam suam professum; obvium prior occupavit, rictuque comprehensum, frustatim discerpit? idque nudis, & armorum omnium præsidio destitutis lacertis. Cujus ipsius feræ palatō, jam exanimatō, paucis post diebus, examen apum insedisse, casu deprehendens: favum mellis inde raptum partim absumpsit ipse: partim parentibus, viæ comitibus, impertijt. Inter epulas inde nuptiales, quas *Thamnata* cive ductâ (nam inter Judæos, & Philisthæos, tributaria servitute contentos, commercia miscebantur) coævis suis apparârat, ænigma triginta convivis proposuit in hæc verba *De comedente exivit cibus & de forti* (leone scilicet) *egressa est dulcedo* (mellis) Solutionis pactō, totidem ut eis subuculas lineas, & tunicas superiores deberet. Sin', ipsi eadem conditione pactōnis tenerentur. Cùm quatruiduō frustra in eodō solvendo laborâssent, jamque dies septimus illucet, & nuptiarum festivitati, & Oediporum moræ finem impositurus, Samson importunis novæ nuptæ blanditijs, & querelis victus, arcanum ei problematis aperit; illa pro genio muliebri confecturæ, minaciter id exigentibus patefacit; explicatur ænigma; Samson fit reus promissi præmij; quod ut dependeret, incitante spiritu descendit Ascalonem, maritimam Philisthinorum urbem, Ibi, seu pro-

provocans ipse prior, seu ( quod vero similis )  
 barbaris per contemptum servitutis provocatus :  
 triginta Philisthæos interficit ; ac spoliatorum ve-  
 stimentis , Thamnatæo contubernio debiti sui fi-  
 dem exsolvit. Cùm autem nuptijs jam perfectis,  
 Samson cum parentibus , negotiorum causâ , do-  
 mum paternam repetisset : & socer , seu perfidiâ  
 barbaricâ , seu pœnitentiâ , detestationeque generi  
 circumcisi ; sive denique cum sponso , pariter eti-  
 am sponsæ memoriâ abijisse ratus , alij filiam suam  
 collocasset : gravissimè Samson hâc irritatus inju-  
 riâ , minas genti Philisthinorum , & clades , unde-  
 cunque sibi facultas offerretur , indixit , indictas-  
 que multis & mirandis modis præstitit. Nam se-  
 getes , vineas , oliveta barbarorum incendit , illiga-  
 tis ad caudas vulpium trecentarum facibus ; quas il-  
 le captas in spelæis montium Modinæorum , & bi-  
 nas inter se colligatas , sparsim in agros , hortos-  
 que cum incendijs immittebat. Auctore mox  
 tantæ cladis cognito : Socer Samsonis , ac filiæ So-  
 cერი , cum ædibus , & omni familia , decretô Pro-  
 cerum Philisthinorum exuruntur.

Nectamen hâc vindictâ contentus Samson ; ob-  
 vios quosque Palæstinorum invadit ; ac maximo  
 numero trucidatos , per agros , atque suburbia dis-  
 pergit : mæstô barbarorum spectaculô ; quodque  
 consiliorum incertis , & stuporem pariter , & ani-  
 morum consternationem iniiceret. Quibus per-  
 fectis , Samson aliquantùm respiraturus , in Judæ-  
 am , seu regionem Tribûs Judæe abit , ac viaticô se-  
 cum deportatô , se recipit in altissimum *Etbana* pe-  
 træ recessum. Hebræi cùm viderent se peti , Phi-  
 list.

listhinorum armis, nisi profugum, & latebris ultro  
 protraherent; polliciti Philisthæis legatis, se vi-  
 vum eum tradituros, ter mille fortissimorum ho-  
 minum, ad Samsonem in specu delitescentem, mit-  
 tunt, qui vel precibus, vel vi & armis in hostium  
 potestatem adducant. Samson, fide data, ne tru-  
 cidaretur, prodit è specu, vincendumque gemino  
 fune recens plexo, se suis permittit, à petra depor-  
 tandum in castra Philisthæa. Barbari lætitiâ suc-  
 cessûs, oblataque vindictæ, in clamores elati, cer-  
 tatim in occursum, & gratulationes mutuas effun-  
 duntur. At multitudinis hostilis conspectu, tan-  
 tum abfuit, ut animo frangeretur, magis ut etiam,  
 quàm unquam antehac, exardesceret, ac spiritu ro-  
 boris in eum, insolitis quibusdam stimulis illaben-  
 te, dirumperet ambabus manibus utrumque funem  
 vincula proijceret, in campi medium profiliret: ac  
 fortuitò conspectam asini maxillam, jam carne nu-  
 dam, ac dentibus adhuc armatam, tanquam enseni  
 sustolleret. Iis instructus armis, in confertos ho-  
 stium cuneos irrumpit: ac sævi leonis more, par-  
 tes ad omnes, imperterritum corpus circumagens;  
 dextrorsum lævorsumque cædebat, sternebatque,  
 quidquid usquam infestum obstaret. Ita mille vi-  
 ros, vir unus, jumenti maxillâ confecit; nescias,  
 duellone potius, an prælio dixeris? an utroque?  
 Philisthæorum exercitu in fugam verso, ipse labo-  
 re confectus, ac siti cruciari cæptus, cum fonta-  
 nam circumspiceret, nec in propinguo tamen repe-  
 rirret, fontem precibus è dente molari maxillæ eli-  
 cuit. Victoriæ porro præmium fuit *iudicium & potes-*  
*statis*, quam exercere jam antè cæperat, confirmata  
 Sam-

Samsoni possessio, suæ gentis publicò decretò. Quam-  
tamen ille potestate, non, ut ante se cæteri Præto-  
rum, eductis in aciem exercitibus, sed privatis po-  
tius viribus, ac dimicationibus uti consuêrat, ma-  
nente in Philisthæis odij veteris æterno semine, vin-  
dictæque cupiditate.

Fortè negotij rationes sic ferebant, ut Samson  
fiduciâ fæderis, quod inter Philisthæos & Hebræ-  
os, illorum stipendiarios intercedebat, intraret *Ga-  
zam*, urbem inter Palæstinas claritate nobilem. Ibi  
feminae cujusdam impudicæ aspectu captum, amo-  
ribus & technis utentem, Gazæi positus ad urbis por-  
tas excubijs, feram in reti credunt implicitam te-  
nere. Expergefactus de medio noctis Heros, insi-  
dias divinitus edoctus, surgit, ac repletus ingenti  
viroboris, ad portam ab ea, quâ pridie Gazam in-  
trarat, aversam ultro pergit, stationem, excubiâs-  
que fugat, utranque portæ forem cum Seris simul  
de postibus, atque cardinibus evellit; mox humeris  
ambas sublatas aufert, nemine Gazensium persequi  
discedentem ausò, nec deponit onus, quoad in jugum  
evadat montis, urbem *Hebronē* è propinquo respicien-  
tis, septem ut minimum milliaribus Germanicis in-  
de distantis. Ibi tum demum laboris finem, & Ga-  
zensium illusioni monumentum posuit: *SARHAM*,  
urbem ac domum suam reversurus.

